

湖廣通志

湖廣通志

德安府文類

本府

安陸縣附

宋

布衾銘

范純仁

藪藿之甘綈布之溫名教之樂德義之尊求之孔易享之常安
錦繡之奢膏粱之珍權寵之盛利欲之繁苦難其得危辱旋臻
舍難取易去危就安至愚且知士寧不然顏樂簞瓢萬世師模
紉居瓊臺死爲獨夫君子以儉爲德小人以侈喪軀然則斯衾
之陋其可忽諸

安州到任謝表

滕甫

屢致人言固宜竄逐曲蒙天造尚賜保全雖易守符仍叨善地
士風純秀幾同鄒魯之流風里俗驩康正協元豐之樂歲安閑

事簡尸素爲歟伏念臣本以愚懦出逢眞聖首蒙國士之遇最
在衆人之先便欲碎首以酬恩未知死所故嘗指心而自誓惟
有天知況事任既已徧更在人情寧不愛惜豈有故爲緩縱自
取顛隳惟日月之至明亮肝肺而必照矜憐舊物收置近藩而
朝廷難廢於公言故君父特存於大體稍從遠外終不棄損願
臣何人受恩若此此蓋伏遇皇帝陛下神聖徧物清明在躬化
覃無外之封疆仁及無知之草木況臣累更器使粗効愚衷奉
此遺簪嘗辱提攜之末譬之行羣更收踐履之餘臣敢不祇奉
簡書服勤吏役雖桑榆之景景將逼暮年而犬馬之微誠猶思
後效

范公忠宣祠堂記

范倫

東坡相忠宣范公爲侍御史論事無所阿附出倅安陸是時天

下賢士大夫皆謂公名臣之後加以器識宏偉有重廊廟必不
久留於外賜還之命蓋蚤暮也而公下車之初攝承郡事恬不
以遷謫介懷耻於苟且力求民間利病而罷行之興學校省徭
役平冤濫恤孤獨鋤姦去暴翕然有當於人心由是而期月政
化大行風俗改易雖四海蒼生與夫賢士大夫望公之以而獨
懼公之不少留也洎終更還朝駸駸大用而安陸之人有懷遠
愛君蒿悽慘欲再見公而不可得乃即其屢事之西爲堂三楹
榜以思賢且繪公之像于壁用致啓處不忘之意距紹興甲子
實八十有二年矣而公之從孫彭復通守是邦始至之日民相
與逆于道周皆喜見顏色既視事登堂下拜望公之畫像宛然
如生而懷棟傾歎恐不能久於是撤而新之凡臨政治民一以
公爲法衆益大悅越明年公之季子正國持節將理本道典刑

政事卓然公之遺風則一方願見之志又可知矣惟是德公之
深而崇奉之禮因循歲月未至於其備大懼輶車按臨跪奠無
所重貽邦人羞即謀於忠賢堂之側更築堂以奉事祠既成使
其屬吏范愉登載本末辭不獲命乃爲之言曰嗚呼世秉鉞衡
古今難事章丰相繼則見於傳武甞同升則歌於詩蓋榮歸一
門慶流千載天下歆豔理亦宜之此詩人史氏不得不爲之特
書大書詠歌以著一時之盛也雖然富貴之及遠也必副之以
德聲名之可久也必施之以政昔我祖宣子誇其世祿至引陶
唐御龍保姓受氏之美以爲不朽故穆叔折之以臧文仲之一
言而君子不以爲過夫何故官高祿厚而施爲未有以大服天
下之望故爾自是厥後范氏世有聞人然較其名地人物爵位
德業則無有如公之盛者慶曆初先文正公以文武全才出入

內外功在社稷德及生靈華夏仰之如泰山北斗不可企及而
公乃能光昭令德嗣登鴻席勲業巍巍如出一手自今觀之其
見於安陸者特它政之末耳不以它政之末而使斯民化之如
此之速思之如此其久則其見於天下而施之於後世可不論
而知也宜乎公之子孫亦以貴顯冠于中興膏腴之族蟬冕相
承與宋無極其所由來者遠矣斯堂之設亦所以勸也若乃攘
却之功經綸之效則有太廟之彝鼎與天子之史官在十五年
九月旦日左迪功郎改差克德安府儒學教授方城范愉記

元

長庚書院記

代憐

程鉅夫

國家樹教育材之本莫先於學校而天下之學廩稍不足者士
既無養廩稍之有餘者祇益縣勾稽覬望之資教官率以將迎

爲勤會計爲能而怠於教事非其人皆不賢其勢然也惟書院
若庶幾焉而居城邑隸有司者其弊政與前等近世士君子之
賢者往往因前脩之迹據江山之會割田析壤建爲書院既不
隸於有司而教育之功乃得專焉焉翊李君仲章爲德安府判
官時予方家白雲山中君尋亦買田築室於城西三十里白兆
山之麓而居之乃李太白題桃花巖處相傳太白嘗讀書於此
予旣出山君亦累遷耀州守皇慶元年春君赴調京師南還割
田二頃建河南書院聘明師教鄉里子弟以成公之命予旣題
之行有日重爲告曰今天子仁聖夙夜孜孜以樹教育甘爲務
君是舉旣無城邑之累而有江山之勝士又得所養而不隸有
司教可專也審矣利莫大焉德安文物之盛必自君始君之名
與太白此山相無窮不亦休哉君勉成之予歸白雲山幸遊息焉

德安府重建廟學記節文

楊溥石首大學生

天下之大命係乎君君道之準則存乎堯舜堯舜之道存乎孔子孔子之道存乎學校唐虞三代由此而大順漢唐以下由此而小康顧躬行何如否則忽矣洪惟聖朝祖宗建國垂統以學校爲首聖天子嗣承大統輕徭薄賦以恤蒼生簡任賢良爲之守長於是人有所養知歸於善天台范理由名進士擢守湖藩之德安以清慎之心行養民之政在職六年百廢興舉重以廟學久而傾圯無以副人心之向慕欲重建之謀之同僚謀之耆老咸以爲宜乃卜吉日充拓舊址百需畢備用底成功其幕賓張孟昇狀其事請文勒之石予惟治人首務莫大於教養國家崇重學校誠有自矣而其推行德意以圖成績實係於守

長彼苟具文書者固不暇論或汲汲於名而動作不適其時亦未爲善也子夏子曰知者無不知也當務之爲急又曰雖有鍤基不如待時孔子曰君子信而後勞其民太守是舉其知所用心者哉時僚佐及耆老相與協力捐貲共圖其成咸列名於碑陰云正統十年六月三日

德安府重脩廟學記

王直

泰和人吏部尚書

德安禹貢荊州之域春秋鄖子國也秦屬南郡漢唐名安陸宋置安遠軍節度以神宗潛邸在焉又陞爲德安府其風俗醇厚而人多秀傑喜儒術自昔以文章魁天下躋輔相者有焉

國朝以來建學育材以興太平之治而德安之學校亦久而敝矣有政教之責耆病之前守天台范理雖嘗脩治而日力不計僅完大成殿可以容俎豆其它則日入隳壞景泰三年刑部郎

周侯鐸以賢舉爲德安守侯萬安人字秉訓由進士官郎署
公廉愛人聲譽藹蔚下車之初周覽學舍嘆曰賢才治天下之
本學校賢才之所從出也敝陋如此何以作其氣成其才以稱
上意哉亟欲有爲以歲之不易不克如志越二年歲豐民和侯
大喜曰是可有所爲矣乃與僚佐議各出貲以爲倡於是民有好
義者皆奮而應之富者出貲貧者效勞各盡其誠不呼而集市
材鳩工並手偕作廟之椽壁有腐壞者更易之兩廡舊各七間
今以其隘各增爲一十五間爲一壇塑先賢先儒像居其位作
戟門櫺星門之南立碑樓榜曰文廟櫺星門之西作神厨六間
故明倫堂隘擇文廟東空地作明倫堂五間堂後創講堂五間
講堂東西作號房各七間其東北作饌堂五間明倫堂東西作
誠意正心進德脩業四齋各三間明倫堂前鑿石甃泮池周廻

三十丈池內壘石爲三橋以通往來池東西作號房各六間池
南作門屋三間榜曰儒學而周以垣儒學門首新作通衢大道
半里許衢之東西各置牌樓揭扁焉東曰興賢西曰毓秀又於
興賢之東作屏樓一扁曰儒林皆侯之經營署置土木朱章極
其輪奐氣象軒豁規模宏遠矣始作於景泰五年之秋而以天
順三年之冬訖工郡教授黃琰訓導陳和趙誠陶鼎曾政備書
本末俾學之賢者王子昭持來請予文刻之石

黃孝子祠碑陰頌并序

黃潤玉

四川人
金事

孝子東漢之聞人也生有至性方其髫髻喪母孝已稱于鄉閭
勤苦養親名蚤聞於京國然考其行亦惟憔悴居憂溫清盡
道而已至爲之語乃曰天下無雙江夏黃童何居豈不以父子
之間有常而變惟中庸之道似易而難也昔者大舜不弛於而

晉書庾亮此聖人處變而適乎中故謂其孝天下莫加焉武王
誓繼志而文王無憂此聖人處常而適夫中故稱其孝也天下
無間焉若迺無所逃而待享非恭世子處變而大過者乎不嘗
樂而與弑則許世子處常而不及者也故閔損之孝無間言猶
虎變而歸於中孔子賢之曾參之孝能養志亦處常而得其中
孟子稱之彼其刳股療親之疾髡髮希報親之恩是則惑異
以過情行怪而趨僞皆非聖人之中道也今孝子卓乎中庸千
載之上而太守恪乎廟祀千載之下表則人子俾務高者不得
而溺卑者不可不及是大有裨於民彝也麗壯有石四明黃潤
玉書其陰而頌之頌曰天運有常地載無疆孝子之澤地久天
長正統十三年戊辰

太守周公脩學去思碑

張瓚

天下之道治與教而已提封之廣天子不能獨治而自教焉故
付之長民者分理之古之長民者治而教之之外無它事後世
有簿書稽會之煩奔走逢迎之迫加之舞文貨殖之弊能盡心
於民事者且寡而況於教乎以賢長民有志於民事者必先用
力於廟學焉德安郡庠廟學久弊前守天台范公雖嘗脩葺僅
完殿它未遑及惟牽補相承而已日就弊陋弗稱觀瞻景泰壬
申萬安周公秉訓由名進士以秋官正郎擢守於此視篆之又
明日脩故事謁先聖先師顧瞻廊廡損壞弗文俯仰嘆息有維
新之圖以歲歉未克越三年政通人和百廢具舉公乃謀於僚
佐各出俸貲以爲倡首鳩工庀徒將大新之郡之良民大家聞
者莫不歡附所謂君子信而後勞其民者也卜吉經始梓人度
材陶人埴埴凡其工金工石之役各執藝以待奔走就事者以

復爲蓋大新先聖先賢遺像禮殿內外易朽以堅飾黹以華兩
廡舊各七間今各倍增其數每間爲一壇先是先賢先儒未有
像設今各易繪以像冕烏衣裳五采絺繡位序丹青應圖合禮
養生有檻庖福有廚籩豆簠簋壘爵金錡悉加潤色而增置之
櫺星戟門煥然一新嚴嚴翼翼儼然王者之居學之故堂啾隘
擇文廟東空地爲之堂後叙講堂東西四齋號房堂前鑿石甃
泮池池內壘石爲三橋以通往來爲學門三門東西大其街爲
衢各立牌樓而顏以名周以仞牆環植桂栢諸木皆公躬親經
營規畫一毫不苟棟宇崇麗貌相顯嚴甲於湖湘諸郡經始於
景泰甲戌落成於天順己卯公之用心可謂公且勤矣公已九
載述職有期郡教授方溥訓導曾政陸旻與郡庠諸生謂公此
行固不可留公之功其能忘乎師生之間依依若有所失念無

以垂永久乃巧刻之麗牲之石以識去思之意予亦郡人也樂
公政教久矣其敢固辭重以公膺無陋不能發揮公之盛德爲
愧竊嘗聞之天吾天者吾思之人吾天者吾不思也若公者其
所謂天吾天者歟諸師生之所思者固在是矣予則又悉公之
所以天吾天者以廣吾民之思也公自至郡問疾得情則撫摩
安懷以愈之問宜得習則平易溫文以遂之問靈得強則搜剔
鋤擊以祛之以故數年之間疾者愈懦者立薄者敦屈者伸呻
吟者歌謳流亡者得復豪強者自捥奸宄者自遁兼併者自息
吏不催科稅無逋負魚泳雲飛四民安堵娓娓然衍衍然不知
田里之安時世之永也方之古人雖黃霸之在潁川文翁之在
蜀郡召信臣之在河南豈多讓哉所以然者公蓋本之以忠信
茲憲輔之以文章廉慎行之以和易清平申之以公明剛果宜

乎諸師生與吾民在位而愛去位而思也雖然公行矣錫于王
庭而館閣臺省之擢固可必矣豐功偉績銘諸彝鼎列之史官
先公而後天下者又可卜也而其德愛之遺於吾人者其思寧
有窮乎詩曰豈弟君子民之父母保艾爾後德音不已予請吾
人誦於無窮而伸去後之思也

德安府新建通濟橋記

節文

張瓚

德安郡城西門由河街北行僅半里許地名霸口舊爲濠堤東
北一帶山澗之水聚于城池合流衝決中斷缺爲大坎其下匿
而爲深澤其水流出西南以合于潁川而兩厓陡峻春夏水泛
非舟梁不可渡秋冬水雖涸民猶病涉其要道東北達應山西
北達隨州以通于襄樊凡使臣以公務往來雜遝相望軍民從
役府所者絡繹不絕然未有橋以濟之誠爲缺典萬安周侯鐸